

ПРОФИЛАКТИКА ИНСПЕКТОРИНИНГ ҲУҚУҚБУЗАРЛИКЛАРНИНГ СОДИР ЭТИЛИШИ САБАБЛАРИ ВА ШАРТ-ШАРОИТЛАРИНИ АНИҚЛАШ ҲАМДА БАРТАРАФ ЭИШ ФАОЛИЯТИ

Хурсанбоев З.Р.

Ўзбекистон Республикаси ИИВ Академияси

306-гуруҳ курсанти

АННОТАЦИЯ

Профилактика инспекторининг ҳуқуқбузарликларнинг сабаблари ва содир этилишига имкон берган шарт-шароитларини аниқлаш, таҳлил қилиш ва бартараф этиш фаолияти тушунчаси, ўзига хос хусусиятлари, мазкур фаолиятни тартибга солувчи нормалар ва уларни қўллаш амалиёти таҳлил қилиниб, бу борада илгор хорижий давлатлар тажрибаси ўрганилиб, такомиллаштиришга доир таклиф ва тавсиялар ишлаб чиқилган.

Калит сўзлар: ҳуқуқий норма, халқаро ҳуқуқ, принцип, субъект, қонун, профилактика, ижтимоий хавфлилик.

ANNOTATION

This qualification study analyzes the concepts, characteristics, norms regulating these activities and their application, identifying, analyzing and eliminating the circumstances of the offenses and the conditions that prevent them, and proposals for improvement have been developed.

Key words: legal norm, international law, principle, subject, law, prevention, social danger.

Ҳуқуқбузарликларнинг сабаб ва шароитларини бартараф этиш чоратадбирларини ишлаб чиқиш ва амалга ошириш механизми ҳуқуқбузарликлар профилактикаси фаолиятининг негизини ташкил этади. Ҳуқуқбузарликларнинг сабаб ва шароитларини бартараф этиш чоратадбирлари ҳуқуқбузарликлар профилактикасининг мавжуд турлари, усул ва шакллари доирасида ишлаб чиқилади ва амалга оширилади. Бироқ, “Ҳуқуқбузарликлар профилактикаси тўғрисида” ги қонун қабул қилинишига қадар юридик адабиётлар ва манбаларда ҳуқуқбузарликлар профилактикасининг турлари хақида турлича қараш ва фикрлар илгари сурилиб, аниқ бир тўхтам мавжуд эмас эди. Қонуннинг қабул қилиниши бевосита ушбу қарамақаршиликларга барҳам берди ва 6-моддасида ҳуқуқбузарликлар профилактикасининг қуйидаги тўрт тури: – ҳуқуқбузарликларнинг умумий профилактикаси; – ҳуқуқбузарликларнинг маҳсус профилактикаси; – ҳуқуқбузарликларнинг якка тартибдаги профилактикаси; – ҳуқуқбузарликларнинг виктимологик

профилактикаси аниқ белгилаб қўйилди. Шунингдек, Қонуннинг 3–6-бобларида ҳуқуқбузарликлар профилактикаси турларининг тушунчаси ҳамда уларнинг ўз ичига қамраб олган чора-тадбирлари ва уларни амалга ошириш асослари ҳуқуқий жиҳатдан мустаҳкамланди Юқорида келтирилган ҳуқуқбузарликлар профилактикаси турларининг ҳар бири ўзига хос жиҳатларга эга бўлиб, муайян бир турини амалга ошириш орқали эришиш мумкин бўлган натижаларга бошқасини амалга ошириб эришиш мушкул ҳисобланади. Ҳуқуқбузарликларнинг умумий профилактикаси ҳам бундан мустасно эмас. Ҳуқуқбузарликларнинг умумий тартибдаги профилактикаси – ҳуқуқбузарликлар профилактикасини амалга оширувчи ва унда иштирок этувчи органлар ҳамда муассасаларнинг ҳуқуқбузарликларнинг олдини олиш, ҳуқуқбузарликларнинг содир этилиши сабабларини ва уларга имкон берётган шарт-шароитларни аниқлаш, бартараф этиш бўйича фаолият (Қонуннинг 22-моддаси). Ҳуқуқбузарликларнинг умумий профилактикаси тасдиқланган дастур, режа ва жадваллар асосида, шунингдек соҳавий хизматларнинг ҳамда ҳуқуқбузарликлар профилактикасини бевосита амалга оширувчи бошқа орган ва муассасалар, фуқароларнинг ўзини ўзи бошқариш органлари ва нодавлат нотижорат ташкилотлар билан ўзаро келишуви асосида амалга оширилиши мумкин. “Ҳуқуқбузарликлар профилактикаси тўғрисида”ги қонун талабларига қўра ҳуқуқбузарликларнинг умумий профилактикаси чора-тадбирлари қўйидагиларни ўз ичига олади: – ҳуқуқбузарликлар профилактикасига доир давлат дастурлари ва бошқа дастурларни ишлаб чиқиш ҳамда амалга ошириш; – аҳоли ўртасидаги ҳуқуқий тарғибот ўтказиш; – ҳуқуқбузарликларнинг содир этилиши сабабларини ва уларга имкон берётган шарт-шароитларни аниқлаш, бартараф этиш ҳамда ҳуқуқбузарликларнинг содир этилиши сабабларини ва уларга имкон берётган шарт-шароитларни бартараф этиш тўғрисида тақдимномалар киритиш. Ҳуқуқбузарликларнинг умумий профилактикаси қонун ҳужжатларига мувофиқ бошқа чора-тадбирларни ҳам ўз ичига олиши мумкин (Қонуннинг 23-моддаси). Ҳуқуқбузарликлар профилактикасига доир давлат дастурлари ва бошқа дастурларни ишлаб чиқиш ҳамда амалга ошириш. Ҳуқуқбузарликлар профилактикасига доир давлат дастурлари Вазирлар Маҳкамаси томонидан ишлаб чиқилиб тасдиқланади ва ижрога йўналтирилади. Ҳуқуқбузарликлар профилактикасини бевосита амалга оширувчи орган ва муассасалар ҳуқуқбузарликлар профилактикасининг давлат дастурларини ишлаб чиқиш юзасидан Вазирлар Маҳкамасига таклиф ва тавсиялар киритиш ваколатига эга. Жамоат хавфсизлигини тъминлаш, ҳуқуқбузарликларнинг олдини олиш ва жиноятчиликка қарши курашишнинг яхлит тизимини шакллантириш, ички ишлар органларининг энг қўйи бўғинидан республика даражасигача самарали 55 фаолиятини йўлга кўйиш ва замонавий иш

услубларини жорий этиш орқали мамлакатимизда хуқуқ-тартибот ва қонунийликни мустаҳкамлаш, аҳолининг тинчлиги ва осойишталигини таъминлаш мақсадида Ички ишлар органлари фаолиятини ташкил этишининг мутлақо янги механизмларишлаб чиқилди. Ушбу мақсадларга эришишнинг энг муҳим шарти хуқуқбузарликлар профилактикаси субъектларининг ҳамкорлигини такомиллаштириш ва белгиланган вазифаларни сифатли бажарилишини таъминлашдир. Айни пайтда, бир қатор давлат дастурлари қабул қилиниб, ижрога йўналтирилган. Ушбу дастурларда хуқуқбузарликлар профилактикасига доир чора-тадбирлар белгиланишига қарамасдан, уларни хуқуқбузарликлар профилактикасига доир давлат дастури деб эътироф этиб бўлмайди. Чунки дастурни қабул қилишдан кўзланган мақсад ва вазифалар айнан хуқуқбузарликлар профилактикасига йўналтирилган бўлишни тақозо этади. Аммо мантиқан олганда ҳар қандай давлат дастуридан ўрин олган профилактик чора-тадбирлар хуқуқбузарликларнинг умумий профилактикаси мазмунига эгалигини истисно этмайди.

Афсуски, амалдаги қонун ҳужжатларида хуқуқбузарликларнинг содир этилиши сабабларини ва уларга имкон бераётган шарт-шароитларни бартараф этиш чорасини назарда тутувчи қонун нормаси фақатгина амалдаги Жиноятпроцессуал кодекси (6-бўлим) ҳамда Маъмурий жавобгарлик тўғрисидаги кодексларда (196, 313-моддалар) ўз ифодасини топган. Бироқ, “Хуқуқбузарликлар профилактикаси тўғрисида”ги қонун талаблари хуқуқбузарликка қарши курашувчи, унинг сабаб ва шарт-шароитларини аниқлаб, бартараф этилишини таъминловчи хуқуқбузарликлар профилактикасини бевосита амалга оширувчи органлар ҳам ўз фаолияти жараёнида аниқланган хуқуқбузарликка оид статистик ҳамда бошқа маълумотлар таҳлилига асосланиб, муайян вазирлик ёки қўмита ва унинг қўйи тузилмалари даражасида хуқуқбузарликларнинг содир этилиши сабабларини ва уларга имкон бераётган шарт-шароитларни бартараф этиш тўғрисида тақдимномалар киритишлари мумкинligини тақозо этади. Масалан, Республика Бош прокурори ИИВга, вилоят прокурорлари вилоят ИИБга тақдимнома киритиши мумкин Юқоридагилардан келиб чиқиб, ушбу мазмундаги тақдимномаларни қўйидагича гурухлаш мумкин: – прокурор томонидан киритиладиган тақдимномалар; – хуқуқбузарликлар профилактикасини бевосита амалга оширувчи бошқа субъектлар томонидан киритиладиган тақдимномалар; – хуқуқбузарлик ишини юритувчи мансабдор шахслар томонидан киритиладиган тақдимномалар. Хуқуқбузарликларнинг маҳсус профилактикаси чора-тадбирлари. Хуқуқбузарликларнинг умумий профилактикаси каби маҳсус профилактика ҳам ўзига хосликларга эга. Бироқ, қайсиdir томонлари билан хуқуқбузарликларнинг умумий, якка тартибдаги ва виктимологик

профилактикаси турларининг айрим жиҳатларига ўхшашлиги кўзга ташланади. Ҳуқуқбузарликларнинг маҳсус профилактикасини профилактиканинг бошқа турларидан ажратиб турувчи асосий жиҳат у фақат ҳуқуқбузарликлар профилактикасини бевосита амалга оширувчи субъектлар ташаббуси ва раҳбарлиги остида, олдиндан ишлаб чиқилган ва ички буйруқ билан тасдиқланган маҳсус режалар асосида амалга ошириладиган маҳсус тадбирлардан иборат эканлигидир. Ҳуқуқбузарликларнинг маҳсус профилактикаси фаолиятини қўйидаги икки йўналишга ажратиб ўрганиш мумкин: 1. Профилактик таъсир кўрсатишга қаратилган маҳсус тадбирларни ишлаб 60 чиқиши. 2. Профилактик таъсир кўрсатиш мақсадида ишлаб чиқилган маҳсус тадбирларни амалга ошириш. Профилактик таъсир кўрсатишга қаратилган маҳсус тадбирлар кўйидаги ҳолатларда ишлаб чиқилади: Муайян ҳудуд ёки даврда айрим турдаги ҳуқуқбузарликлар кўпайган ҳолларда. Бунда маҳсус профилактик тадбирлар ушбу ҳудуд ёки даврнинг ўзига хос хусусиятларини, ҳуқуқбузарликларни келтириб чиқарувчи ва унинг содир этилишига имконият яратувчи омилларнинг моҳиятини, ҳуқуқбузарлик содир этувчиларнинг шахси, ҳуқуқбузарликлар содир этилаётган ҳудуд ва давр, ушбу турдаги ҳуқуқбузарликларнинг олдини олишда куч ва имкониятларини ўргангандан ҳисобга олган ҳолда ишлаб чиқилади. Муайян ҳудуд ёки даврда айрим тоифадаги шахслар кўпайиши билан аҳоли соғлиги, тинчлиги ҳамда уларнинг шахсий ва мулкий хавфсизлигига салбий таъсири юзага келган ҳолларда. Ушбу ҳолатда айрим тоифадаги шахслар икки хил маънода талқин этилади. Биринчиси, ҳуқуқбузарлик содир этган, содир этишга мойил ёки ғайриижтимоий хулқатворга эга шахслар тоифаси бўлса, иккинчиси, ҳуқуқбузарликлардан жабрланган ва жабрланиш эҳтимоли юқори бўлган шахслар тоифасини ташкил этади.

Жамоат хавфсизлиги ва жамоат тартибига, шахс, жамият ва давлат манфаатларига тажовуз қилувчи хатарлар ва таҳдидларнинг реал хавфи юзага келганда. Бу каби хатар ва таҳдидларга оммавий тадбирларни ўтказиш жараёнидаги оммавий тартиббузарликларни, табиий офат юз берганда аҳолининг соғлиги, шаъни, қадр-қиммати ёки мулкига нисбатан тажовузни, муайян ҳудудда тери-таносил ёки бошқа касалликларнинг тарқалиши хавфининг келиб чиқиши мумкинлигини, шунингдек аҳоли гавжум жойларида террорчилик актлари содир этилиши мумкинлигини мисол тариқасида келтириш мумкин. Мухтасар қилиб айтганда, гарчи қонун ва қонуности ҳужжатлари билан ҳуқуқбузарликларнинг маҳсус профилактик чора-тадбирлари белгиланган бўлишига қарамасдан, профилактиканинг ушбу турининг ижтимоий-ҳуқуқий мақоми ҳамда амалга ошириш механизми тўлиқ белгиланмаган. Бу эса, келгусида ушбу йўналишда илмий тадқиқот ишларини олиб бориш, мавжуд

қонунчиликка ўзгартиш ва қўшимчалар киритиш ҳамда амалиётни методик таъминлаш заруратини келтириб чиқаради. Ҳукуқбузарликларнинг якка тартибдаги профилактикаси чора-тадбирлари. Маълумки, ҳукуқбузарликлар профилактикаси хар бир турининг ўзига хос жиҳатлари мавжуд. Муайян бир турини амалга ошириш орқали эришиш мумкин бўлган натижага бошқасини амалга ошириб эришиш мушкул вазифа ҳисобланади. Бу ҳукуқбузарликларнинг якка тартибдаги профилактикаси ҳам тааллуқли. Ҳукуқбузарликларнинг якка тартибдаги профилактикаси – ҳукуқбузарликлар профилактикасини бевосита амалга оширувчи органлар ва муассасаларнинг ғайриижтимоий хулқ-атворга эга, ҳукуқбузарлик содир этишга мойил бўлган, ҳукуқбузарлик содир этган шахсларни аниқлаш, уларнинг ҳисобини юритиш ва уларга тарбиявий таъсир кўрсатишга доир фаолияти. Ҳукуқбузарликлар профилактикасининг мазкур тури якка тартибдаги профилактика объектига (ғайриижтимоий хулқ-атворга эга, ҳукуқбузарлик содир этишга мойил ва ҳукуқбузарлик содир этган шахсларга самарали таъсир кўрсатиш имкониятига эга. 62 Шуни ҳам инобатга олиш керакки, айрим ҳолларда бир гурух шахслар ҳам ҳукуқбузарликларнинг якка тартибдаги профилактикаси обьекти бўлиши мумкин. Аммо ушбу бир гурух шахслар муайян бир бутун обьектни ташкил этиши лозим. Бунга жанжалкаш оиласаларни мисол қилиб келтириш мумкин.

ХУЛОСА

Фуқаролик жамаяти ривожланиб борган сари, асрлар давомида ўз даврининг мутафаккир олимлари томонидан илгари сурилган фикрлар давлатларнинг миллий ҳукуқ тизимида ва ундан кейин турли ҳалқаро конвенсиялар ва пактларда ҳукуқий қадрият сифатида ўз ифодасини топмоқда. Бугунги кунда бутун дунёда жиноятчиликка қарши курашиш борасидаги ишларга бўлган ёндашувни тубдан қайта кўриб чиқишиңи тақозо этди, дуйиш мумкин. Бундан кўйин жиноятчиликка қарши курашиш фақатгина содир этилган жиноятларни очиш, ҳукуқбузарларни топиш, қонуний жазо тайинлаш ва уни ижро этишдан иборат бўлиб қолиши мумкин эмас. Ҳатто содир этилиши режалаштирилаётган ҳукуқбузарликларнинг олди олинганда ҳам бу вазифани бажаришга жуда кеч киришилган деб ҳисоблаш керак бўлади. Шу тариқа дастлаб жиноятчиликка қарши курашиш қаолиятининг кичик элементи сифатида пайдо бўлган ҳукуқбузарликлар профилактикаси кейинчалик жиноятчиликка қарши курашиш фаолиятидан ҳам юқори турувчи алоҳида ва кенг қамровли фалият йўналишига айланди. Шу боисдан, бугунги кунда ҳукуқбузарликлар профилактикасининг энг самарали усул ва шаклларини ишлаб чиқиш муҳим аҳамият касб этади. Аммо шуни унутмаслик керакки шакл ва усулларни қўллашда ҳудудлардаги ҳукуқбузарликларнинг содир этилишига таъсир кўрсатувчи омилларни аниқлаш муҳим вазифа эканлигини англашимиз лозим.

Криминоген вазиятга таъсир этувчи омиллар ичидаги содир этилган хуқуқбузарликларнинг турлари ҳам алоҳида аҳамият касб этади.

ФОЙДАЛАНИЛГАН АДАБИЁТЛАР РЎЙХАТИ:

1. Ўзбекистон Республикаси Президенти Шавкту Мирзиёевнинг 2020 йил 29 декабрдаги Олий мажлисга мурожаатномаси.
2. Ўзбекистон республикаси президенти Ш.М.Мирзиёевнинг 25 октябрь - Ўзбекистон республикаси Ички ишлар органлари ходимлари куни муносабати билан Ички ишлар органлари ходимлари ва фахрийларига байрам табриги. 2021 йил 25 октябрь
3. Ўзбекистон Республикаси Конституцияси. 2023й.
4. Ўзбекистон Республикасининг 2014 йил 14 майдаги “Хуқуқбузарликлар профилактикаси тўғрисида” ги қонуни
5. Ўзбекистон Республикасининг 2016 йил 16 сентябрдаги “Ички ишлар органлари тўғрисида” ги қонуни.
6. Ўзбекистон Республикасининг «Хуқуқбузарликлар профилактикаси тўғрисида» ги 14.05.2014 йилда қабул қилинган ЎРҚ-371-сон Қонуни.
<https://lex.uz/docs/-2387357>
7. https://aza.uz/uz/posts/jamoatchilik-nazorati-tarixi-zamonaviy-qarashlar-va-yondashuvlar_391305
8. https://www.norma.uz/uz/qonunchilikda_yangi/jamoatchilik_nazorati_nimalarga_etibor_qaratish_kerak
9. <https://strategy.uz/index.php?news=799>
10. Ўзбекистон Республикаси Қонунчилик маълумотлари миллий базаси.
<https://lex.uz/uz/>